



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-1211-21/23

Datum: 06.10.2023.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) u ponovnom postupku a u vezi sa Rješenjem Ureda za razmatranje žalbi, Filijala Mostar broj: JN2-03-07-1-2221-8/23 od 15.09.2023.godine, Općinski načelnik, donosi:

**ODLUKU**

o izboru najpovoljnijeg ponuđača u ponovnom postupku

**I**

Najpovoljnija ponuda za robe u predmetu nabavke roba, "Nabavka novog vatrogasnog vozila" za ponuđenu cijenu u iznosu bez PDV-a od 400.000,00KM (slovima: četiristotine i 00/100 konvertibilnih maraka) odnosno sa PDV-om u iznosu od 468.000,00 KM (slovima: četiristotinešestdesetosamhiljada i 00/100 konvertibilnih maraka) je ponuda ponuđača Konzorcij RD AUTO doo Sarajevo i SU-AD doo Živinice.

**II**

Ponuda je dostavljena u otvorenom postupku, koji je objavljen na Portalu javnih nabavki dana 19.05.2023.godine pod brojem: 375-1-1-126-3-63/23, obavještenje o nabavci objavljeno u sl.glasniku BiH broj:38/23 dana 26.05.2023.godina pod brojem:SI-18158-23 a kriterij za dodjelu ugovora je najniža cijena.

**III**

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuje svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponuda ponuđača LIV-S doo Visoko se odbacuje iz razloga što ponuda ponuđač, odnosno tehnička specifikacija ne sadrži podatak iz tačke 1.13. Priloga 11. tenderske dokumentacije, te je ista u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene.

**V**

Za realizaciju Odluke zadužuju se Služba civilne zaštite općine Tešanj.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za robe "Nabavka novog vatrogasnog vozila" pokrenut je Odlukom o pokretanju postupka broj:02-11-3-1211-2/23 od 11.04.2023.godine. Odabran je otvoreni postupak koji je objavljen na Portalu javnih nabavki dana 19.05.2023.godine pod brojem: 375-1-1-126-3-63/23, obavještenje o nabavci objavljeno u sl.glasniku BiH broj: 38/23 dana 26.05.2023.godina pod

brojem:SI-18158-23, procijenjena vrijednost javne nabavke je 400.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristige su 2 (dvije) ponude i to: ponuda Konzorcij RD AUTO doo Sarajevo i SU-AD doo Živinice i ponuda LIV-S doo Visoko. Komisija za javne nabavke imenovana rješenjem Općinskog Načelnika broj: 02-11-3-1211-4/23 od 03.07.2023. godine izvršila je dana 17.07.2023.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima. Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve (dvije) ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda. Kako je tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude to je ugovorni organ zakazao E-aukcija za dan 31.07.2023.godine, te je ugovorni organ dana 01.08.2023.godine donio Odluku broj:02-11-3-1211-10/23 o izboru najpovoljnijeg ponuđača, naime po okončanju E-aukcije za najpovoljnijeg ponuđača u predmetnoj nabavci a na osnovu prijedloga Komisije za otvaranje ponuda (Zapisnik sa ocjene ponuda od 01.08.2023.godine) izabran je Konzorcij ponuđača RD AUTO doo Sarajevo i SU-AD doo Živinice jer je kriterij za dodjelu bio najniža cijena.

Na predmetnu odluku žalilac RD AUTO doo Sarajevo i SU-AD doo Živinice putem svog punomoćnika Tatjane Ćurlik advokata iz Banja Luke u zakonom propisanom roku podnio žalbu na predmetnu odluku, naime odluku je primio dana 02.08.2023.godine a žalbu je uložio putem pošte dana 09.08.2023.godine (protokol ugovornog organa broj:08-11-3-1211-13/23 od 11.08.2023.godine), te je za istu u skladu sa članom 100. stav 5. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) utvrđeno da je blagovremena, dopuštena i izjavljena od ovlaštenog lica.

Žalilac u svojoj žalbi je naveo da je u predmetnom postupku javne nabavke, a nakon provedene E-aukcije, za najpovoljnijeg ponuđača odabrana grupa ponuđača RD AUTO doo Sarajevo i SU-AD doo Živinice te je ista nakon prijema odluke o izboru najpovoljnijeg ponuđača izvršila uvid u ponudu konkurenta LIV-S doo Visoko, nakon čega je ustanovljeno da ponuda konkurenta nije kvalifikovana, te da je ponuđač LIV-S doo Visoko kao nekvalifikovan na e-aukciji spustio cijenu za 50.000,00KM, te je naveo određene žalbene navode.

Ugovorni organ je u skladu sa članom 100. stav 5. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) uz izjašnjenje kompletan spis dostavio na postupanje Uredu za razmatranje žalbi.

Ureda za razmatranje žalbi, Filijala Mostar svojim Rješenjem broj:JN2-03-07-1-2221-8/23 od 15.09.2023.godine, poništio je Odluku o izboru najpovoljnijeg ponuđača broj:02-11-3-1211-10/23 od 01.08.2023.godine, djelomično prihvatio žalbu žalioca RD AUTO doo Sarajevo i SU-AD doo Živinice iz razloga što u ponudi ponuđača LIV-S doo Visoko u Tehničkoj specifikaciji na stranicama 30-35 nije naveden podatak iz tačke 1.13. Priloga 11. da „Električna instalacija mora biti izvedena tako da nije moguć prodor vode uključujući i prostor za smještaj akumulatora“, što znači da navedeni ponuditelj u svojoj ponudi uopće nije naveo traženi podatak i samim tim nije dokazao da ponudeno vozilo ispunjava uvjet iz tačke 1.13. Priloga 11. tenderske dokumentacije. Takođe je u svom rješenju naveo da za ured nije prihvatljivo izjašnjenje ugovornog tijela po kojem je navodno navedeni ponuditelj dostavljanjem Izjave potvrdio da elementi vozila kao i vatrogasna nadogradnja (a čije tehničke specifikacije nisu definirane zakonom i podzakonskim aktima) su u skladu sa odgovarajućim standardima iz ove oblasti i tehničko/inžinjerskom praksom s obzirom da je navedena izjava bila potpisana kao uvjet dokazivanja tehničke i profesionalne sposobnosti iz tačke 13.3.1. c) tenderske dokumentacije.

Ponuda LIV-S doo Visoko je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) iz gore navedenog razloga u Rješenjem broj:JN2-03-07-1-2221-8/23 od 15.09.2023.godine odbačene, kako je navedeno u tački 4. ove Odluke.

Kako je Rješenjem Ureda za razmatranje žalbi, Filijala Mostar broj:JN2-03-07-1-2221-8/23 od 15.09.2023.godine Odluka o izboru najpovoljnijeg ponuđača broj:02-11-3-1211-10/23 od 01.08.2023.godine poništena, te istim Rješenjem je prihvaćen žalbeni razlog ponuđača Konzorcij RD AUTO doo Sarajevo i SU-AD doo Živinice na ponudu ponuđača LIV-S doo Visoko, od dvije

dostavljene ponude ponuda ponuđača Konzorcij RD AUTO doo Sarajevo i SU-AD doo Živinice je prihvatljiva a ponuda ponuđača LIV-S doo Visoko je odbačena.

Ugovorni organ, kako je u postupku nabavke dostavljena samo jedna prihvatljiva ponuda dakle ponuda ponuđača Konzorcij RD AUTO doo Sarajevo i SU-AD doo Živinice, to je ugovorni organ Zahtjevom broj:08-11-3-1211-18/23 od Agencije za javne nabavke zatražio poništenje E-aukcije održane dana 31.07.2023.godine, te je Agencija za javne nabavke ugovornom organu prosljedila elektronskim putem (kopija mela) obavijest od 03.10.2023.godine gdje isti obavještava da je Aukcija od 31.07.2023.godine poništena u skladu sa zahtjevom ugovornog organa.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, kako je samo jedna ponuda prihvatljiva to se nisu stekli zakonski uslovi za provođenje E-aukcije, te je izvršeno rangiranje kako slijedi:

1. Konzorcij RD AUTO doo Sarajevo i SU-AD doo Živinice

Shodno navedenom, Komisija za javnu nabavku je u ponovnom postupku prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj: 08-11-3-1211-20/23 od 04.10.2023.godine), da se u predmetu javne nabavke roba "Nabavka novog vatrogasnog vozila", u ponovnom postupku donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za robe određuje ponuda ponuđača Konzorcij RD AUTO doo Sarajevo i SU-AD doo Živinice, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za nabavku robe predmetne nabavke.

Uzimajući u obzir sve navedeno, a primjenom člana 64. stav 1. tačka b) a u vezi sa članom 102. stav 2. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) u ponovnom postupku po Rješenju Ureda za razmatranje žalbi, Filijala Mostar broj:JN2-03-07-1-2221-8/23 od 15.09.2023.godine kao najpovoljniji izabran je ponuđač Konzorcij RD AUTO doo Sarajevo i SU-AD doo Živinice sa cijenom u iznosu bez PDV-a od 400.000,00KM (slovima: četiristotine i 00/100 konvertibilnih maraka) odnosno sa PDV-om u iznosu od 468.000,00 KM (slovima: četiristotinešestdesetosamhiljada i 00/100 konvertibilnih maraka).

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

**DOSTAVLJENO:**

1. Ponuđači x2,
2. Služba civilne zaštite,
3. Web stranica općine Tešanj, elektronski,
4. Predmet.

*Handwritten signature*



**OPĆINSKI NAČELNIK**

mr.sci.Suad Huskić

